

MISSÆ PROPRIÆ
DICÆCESIS
ROTTENBURGENSIS

Die 22 Ianuarii

S. MEINRADI

Eremitæ, Martyris

III classis

Antiphona ad Introitus Ps. 20, 2-3

In virtúte tua, Dómine, laetábitur iustus: et super salutáre tuum exsultábit veheménter: desiderium ánimæ eius tribuisti ei (Ps. *ibid.*, 4) Quóniam prævenísti eum in benedictiónibus dulcédinis: posuísti in cápite eius corónam de lápide pretióso. *ŷ.* Gloria Patri.

Oratio

P

Beáti Meinrádi Sacerdótis et Mártyris tui, quæsumus, Dómine, intercessi-
óne nos ádiuva: ut eius suffúlti suffrágio,
quam precámur indulgéntiam peccató-
rum cónsequi mereámur. Per Dóminum.

Et fit Commemoratio Ss. Vincentii et Anastasii Martyrum.

Léctio Libri Sapientiae

Sap. 10, 10-14

Iustum deduxit Dóminus per vias
rectas, et ostendit illi regnum Dei, et
dedit illi scientiam sanctorum: honestavit
illum in laboribus, et complevit labores
illius. In fraude circumvenientium illum
affuit illi, et honestum fecit illum.
Custodivit illum ab inimicis, et a
seductóribus tutavit illum; et certamen
forte dedit illi, ut vínceret, et scíret,
quoniam omnium potentior est sapientia.
Haec venditum iustum non dereliquit,

sed a peccatoribus liberavit eum:
descenditque cum illo in foveam, et in
vinculis non dereliquit illum, donec
afferret illi sceptrum regni, et potentiam
adversus eos, qui eum deprimebant, et
mendaces ostendit, qui maculaverunt
illum, et dedit illi claritatem aeternam,
Dominus, Deus noster.

Graduale Ps. 111, 1-2 Beátus vir, qui
timet Dominum: in mandatis eius cupit
nimis. *ŷ.* Potens in terra erit semen eius:
generatio rectorum benedicetur.

Allelúia, allelúia. *ŷ.* Ps 20,4 Posuisti,
Dómine, super caput eius corónam de
lápide pretiósá. Alleluia.

**Post Septuagesimam, omissis Alleluia
et versu sequenti, dicitur:**

Tractus Ps. 20, 3-4 Desiderium animæ
eius tribuisti ei: et voluntate labiorum
eius non fraudasti eum. *ŷ.* Quoniam
prævenisti eum in benedictionibus
dulcedinis. *ŷ.* Posuisti in capite eius
coronam de lapide pretioso.



Sequéntia sancti Evangélii
secúndum Matthæum

Matth. 16, 24ff.

In illo témpore: Dixit Iesus discipulis
suis: Si quis vult post me veníre,
ábneget semetípsum, et tollat crucem
suam, et sequátur me. Qui enim volúerit
ánimam suam salvam fácere, perdet
eam: qui autem perdíderit ánimam suam
propter me, invéniet eam. Quid enim

prodest hómini, si mundum univérsium lucrétur, ánimæ vero suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum ángelis suis: et tunc reddet unicuique secúndum ópera eius.

Antiphona ad Offertorium Ps. 8, 6-7
Gloria et honore coranasti eum: et constituisti eum super opera manuum tuarum, Domine.

Secreta P

Accépta sit in conspéctu tuo, Dómine, nostra devótió: et cuius nobis fiat supplicatióem salutáris, pro cuius solemnitate defértur. Per Dóminum.

Et fit Commemoratio Ss. Vincentii et Anastasii Martyrum.

Antiphona ad Communionem Matth. 16, 24
Qui vult venire post me, abneget semetipsum, et tollat crucem suam, et sequatur me.

Postcommunio P

Refécti participatióem múnieris sacri, quáesumus, Dómine Deus noster: ut cuius exséquimur cultum, intercedente beáto Meinrádo Mártyre tuo, sentiámus effectum. Per Dóminum nóstrum.

Et fit Commemoratio Ss. Vincentii et Anastasii Martyrum.

Die 28 Ianuarii

B. HENRICI SUSONIS

Confessoris

III classis

Antiphona ad Introitus Ps. 91, 13-14

Iustus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (Ps. *ibid.*, 2) Bonum est confitéri Dómino: et psállere nómini tuo, Altíssime ✽. Glória Patri.

Oratio

Deus, qui beátum Henricum Confessórem tuum córporis mortificatióem et caritate miráblem effecísti: concede; ut Christum crucifixum corde diligere et ópere in nobis exprímere valeámus: Per eundem Dominum.

Et fit Commemoratio S. Petri Nolasci, deinde S. Agnetis Virginitatis et Martyris secundo, ut in Missali hac die.

Léctio Epístolæ beáti Pauli Apóstoli
ad Philippéenses

Philip. 3, 7-12


Fratres: Quæ mihi fuérunt lucra, hæc arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Iesu Christi Dómini mei: propter quem ómnia detriméntum feci et árbitror ut stércora, ut Christum lucrifáciam et invéniam in illo non habens meam iustitiam, quæ ex lege est, sed illam, quæ ex fide est Christi Iesu: quæ ex Deo est iustítia in fide; ad cognoscéndum illum et virtútem resurrectionis eius et societátem passiónum illíus, configurátus morti eius: si quo modo occúrram ad resurrectionem, quæ est ex mórtuis: non quod iam accéperim, aut iam perféctus sim: sequor autem, si quo modo comprehéndam, in quo et comprehénsus sum a Christo Iesu.

Graduale Ps. 36, 30-31 Os iusti meditábitur sapiéntiam, et lingua eius loquétur iudícium. ✽. Lex Dei eius in corde ipsíus: et non supplantabúntur gressus eius.

Allelúia, allelúia. ✽. Ps 111,1 Beátus vir, qui timet Dóminum: in mandátis eius cupit nimis. Allelúia.

Post Septuagesimam, omissis Alleluia et versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis eius cupit nimis γ . Potens in terra erit semen eius: generátio rectórum benedicétur. γ . Glória et divítiae in domo eius: et iustítia eius manet in sáeculum sáeculi.

 Sequéntia sancti Evangélii
secúndum Matthaéum

Matth. 11, 25-30

In illo témpore: Respóndens Iesus, dixit: Confiteor tibi, Pater, Dómine cáeli et térræ, quia abscondisti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi tráditá sunt a Patre meo. Et nemo novit Fílium nisi Pater: neque Patrem quis novit, nisi Fílius, et cui volúerit Filius reveláre. Veníte ad me omnes, qui laborátis et oneráti estis, et ego reficiam vos. Tóllite iugum meum super vos, et díscite a me, quia mitis sum et húmilis corde: et inveníetis réquiem animábus vestris. Iugum enim meum suáve, et onus meum leve.

Antiphona ad Offertorium Ps. 20, 2-3 In virtúte tua, Dómine, lætábitur iustus, et super salutáre tuum exsultábit vehemén-ter: desidérium ánimæ eius tribuísti ei.

Secreta

Dómine Iesu Christe, qui hæc sacra in tui commemoratióne fieri præcepísti: præsta, ut beáti Henríci imitatióne, te iúgiter cogitémus atque sapiámus: Qui vivis et régnas.

Antiphona ad Communionem Matth. 19, 28 et 29 Amen dico vobis, quod vos, qui reliquistis ómnia, et secúti estis me, céntuplum accipiétis, et vitam ætérnam possidébitis.

Postcommunio

Divínæ sapiéntiæ mensa refécti, quæsumus, omnípotens Deus: ut per sacraménta, quæ sumpsimus, beáto Henríco intercedénte, ad vitam ætérnam enutriámur. Per Dóminum.

Die 15 Martii

S. CLEMENTIS MARIE HOFBAUER

Confessoris

III classis

Missa Iustus ut palma, de Communi Confessoris non Pontificis II loco, cum Orationibus ut infra:

Oratio

P

Deus, qui beátum Cleméntem Mariám miro fidei róbre et invíctæ constántiæ virtúte decorásti: eius méritis et exémp-
lis fac nos, quæsumus, ita fortes in fide et caritate fervéntes, ut præmia consequámur ætérna. Per Dóminum.

Secreta

P

Ille nos, quæsumus, Dómine, devoti-
onis ignis accéndat: quo beátus Clemens Mariá, dum salutárem offéret hóstiam, iúgiter flagrávit. Per Dóminum.

Postcommunio

P

Cælésti pane reféctis concéde nobis, omnípotens Deus: ut beáti Cleméntis exémplo, in fortitúdine cibi illius usque ad montem, qui Christus est, felíciter perveniámus: Qui tecum vivit et regnat.

Die 7 Aprilis

S. HERMANNI IOSEPHI

Confessoris

III classis

Missa Os iusti, de Communi Confessoris non Pontificis I loco, cum Oratione et Evangelio ut infra:

Oratio

P

Deus, qui beátum Hermannum Ioséphum Confessórem tuum in benedictionibus dulcedinis a puerítia praevenísti: praesta, quaesumus, ut innocéntis et sanctae vitae eius vestígiis insistentes, ad caelestem patriam, in qua gloriósius exsúltat, securi perveniámus. Per Doñm.



Sequéntia sancti Evangélii
secúndum Matthaéum

Matth. 11, 25-30

In illo témpore: Respóndens Iesus, dixit: Confíteor tibi, Pater, Dómine cáeli et térræ, quia abscondisti hæc a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium nisi Pater: neque Patrem quis novit, nisi Fílius, et cui volúerit Filius reveláre. Veníte ad me omnes, qui laborátis et oneráti estis, et ego reficiam vos. Tóllite iugum meum super vos, et discite a me, quia mitis sum et húmilis corde: et inveniétis réquiem animábus vestris. Iugum enim meum suáve, et onus meum leve.

Die 21 Aprilis

S. CONRADI A PARZHAM

Confessoris

III classis

Missa Os iusti, de Communi Confessoris non Pontificis I loco, præter Orationes sequentes:

Oratio

P

Deus, qui misericórdiæ tuæ iánuam fidélibus patére voluisti: te súpplices exorámus; ut, intercedénte beáto Conrado Confessóre tuo, temporália subsidia nobis tríbuas et æténa. Per Dóminum.

Et fit Commemoratio S. Anselmi Ep. et Doct.:

Oratio

Deus, qui pópulo tuo æténae salútis beátum Ansélmum místrum tribuísti: praesta, quaesumus; ut, quem Doctórem vitæ habúimus in terris, intercessórem habére mereámur in cælis. Per Dóminum.

Secreta

P

Oblatiónes nostras tibi, Dómine, quaesumus, beáti Conrádi intercésio veneránda comméndet: quem coram tuis altáribus precántem supernórum charísmatum dulcedine recreásti. Per Dóminum.

Pro S. Anselmo

Secreta

Sancti Ansélmi Pontíficis tui atque Doctóris nobis, Dómine, pia non desit orátio: quæ et múnera nostra concíliet, et tuam nobis indulgéntiam semper obtíneat. Per Dóminum.

Postcommunio

P

Súmpsimus, Dómine, tua sancta, beáti Conrádi mérita recoléntes: praesta, quaesumus; ut eius semper et præcláro proficiámus exémplo et fidéli muniámur auxilió. Per Dóminum.

Pro S. Anselmo

Postcommunio

Ut nobis, Dómine, tua sacrificia dent salútem: beátus Ansélmus Póntifex tuus et Doctor egrégíus, quaesumus, precátor accédát. Per Dóminum.

Die 27 Aprilis

S. PETRI CANISII

Confessoris et Ecclesiæ Doctoris

II classis

Antiphona ad Introitus

Eccli. 15, 5

In médio Ecclesiæ aperuit os eius: et Implévit eum Dóminus spíritu sapiéntiæ et intelléctus: stolam glóriæ índuit

eum (T.P. allelúia, allelúia). Ps. 91, 2 Bonum est confitéri Dómino: et psállere nómini tuo, Altissime. ¶ Glória Patri.

Oratio

Deus, qui ad tuéndam cathólicam fidem beátum Petrum Confessórem tuum virtúte et doctrína roborásti: concéde propítius; ut eius exémplicis et mónitis errántes ad salútem respícant, et fidéles in veritátis confessióne perseverént. Per Dóminum.

Léctio Epistolæ beáti Pauli Apóstoli ad Timótheum

2 Tim. 4, 1-8

Caríssime: Testíficor coram Deo, et Iesu Christo, qui iudicatúrus est vivos et mórtuos, per advéntum ipsíus et regnum eius: praédica verbum, insta opportúne, importúne: árgue, óbseca, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelistæ, ministérium tuum imple. Sóbrius esto. Ego enim iam delíbor, et tempus resolutiónis meæ instat. Bonum certámen certávi, cursum consummávi, fidem servávi. In réliquo repósita est mihi coróna iustítiae, quam reddet mihi Dóminus in illa die, iustus iudex: non solum autem mihi, sed et iis qui díligunt advéntum eius.

Allelúia, allelúia. ¶ Ps. 118. 46 Loquébar de testimóniis tuis in conspéctu regum, et non confundébar. Allelúia, ¶ 1 Cor. 9, 22 Omnia ómnibus factus sum, ut omnes fácerem salvos. Allelúia,

Extra tempus paschale

Graduale Ps. 118, 129-130 Mirabilia testimónia tua, Dómine, ideo scrutáta est ea ánima mea. ¶ Declarátio sermónum tuórum illúminat et intelléctum dat párvulis.

Allelúia, allelúia. ¶ Ps. 108, 30 Confitébor Dómino nimis in ore meo: et in médio multórum laudábo eum. Allelúia.

Post Septuagesimam, omissis Allelúia et Versu sequenti, dicitur:

Tractus Ps. 118, 104, 105 et 158 A mandátis tuis intelléxi, proptérea odívi omnem viam iniquitátis. ¶ Lucérna pédibus meis verbum tuum, et lumen sémitis meis. ¶ Vidi prævaricántes et tabescébam, quia elóquia tua non custodiérunt.



Sequéntia sancti Evangélii secúndum Matthaéum

Matth. 5, 13-19

In illo témpore: Dixit Iesus discíplis suis: Vos estis sal terræ. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in cælis est. Nolíte putáre, quóniam veni sólvare legem aut prophétas: non veni sólvare, sed adimplére. Amen, quippe dico vobis, donec tránseat cælum et terra, iota unum aut unus apex non præteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómnes, mínimus vocábitur in regno cælórum: qui

autem fécerit et docúerit, hic magnus vocábitur in regno cælórum.

Antiphona ad Offertorium Ps. 33, 12
Veníte, filii, audíte me: timórem Dómini docébo vos (T.P. allelúia).

Secreta

Sanctífica, miséricors Deus, hæc múnera tibi obláta, et Ecclésiæ tuæ, beáto Petro intercedénte, unitátis et pacis propítius dona concéde. Per Dóminum.

Praefatio de Sanctis.

Antiphona ad Communionem Is. 12, 3
Hauriétis aquas in gáudio de fóntibus Salvatóris (T.P. allelúia).

Postcommunio

Sacrificium, Dómine, quod in honórem beáti Petri Confessóris tui atque Doctóris obtúlimus: fidem nostram, spem et caritátem áugeat, et Ecclésiám tuam nova semper prole lætíficet. Per Dóminum.

Die 5 Iunii

S. BONIFATHI

Episcopi et Martyris

II classis

Missa Exultábo, ut in Missali hac die,
Praefatio de Sanctis.

Die 4 Iulii

S. UDALRICI

Episcopi et Confessoris

III classis

Missa Státuit, de Communi Confessoris Pontificis I loco, præter Orationem sequentem:

Oratio

P

Deus, qui cónspicis, quia ex nulla nostra virtúte subsístimus: concéde propítius; ut, intercessióne beáti Udalrici Confessóris tui atque Pontíficis, con-

tra ómnia advérsa muniámur. Per Dñm.

Secreta

C

Sancti tui, quaésumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio

C

Præsta, quaésumus, omnípotens Deus: ut, de percéptis munéribus grátias exhibéntes, intercedénte beáto Udalrico Confessóre tuo atque Pontífice, beneficia potióra sumámus. Per Dóminum.

Die 8 Iulii

SS. KILIANI ET SOCIORUM

Martyrum

III classis

Missa Sapientiam, de Communi plurimorum Martyrum II loco, præter Orationem sequentem:

Oratio

P

Magníficet te, Dómine, sanctórum tuórum Kiliáni Sociorúmque eius beáta solémnitas: qua et illis glóriam sempitérnam, et opem nobis ineffábili providéntia contulísti. Per Dóminum.

Et fit Commemoratio S. Elisabeth Reginæ, Viduæ, ut in Missali hac die.

Secreta

C

Múnere tibi, Dómine, nostræ devotiónis offérimus; quæ et pro tuórum tibi grata sint honóre iustórum, et nobis salutária, te miseránte reddántur. Per Dóminum.

Postcommunio

C

Præsta nóbis, quaésumus, Dómine: intercedéntibus sanctis Martýribus tuis Kiliáno et Sóciis eius; ut quod ore contíngimus, pura mente capiámus. Per Dóminum.

Die 17 Iulii
B. IRMENGARDIS

Virginis, Abbatissæ

III classis

Missa Dilexisti, de Communi Virginis,
III loco, cum Orationibus ut infra:

Oratio P

Dómine Iesu, qui beátam Irmengárdem, Vírginem tuam, mundi delicias despícere et nómini tuo benedícere fecísti: præsta, quæsumus; ut eius intercessióne ómnibus diébus vitæ nostræ tibi placeámus. Qui vivis et regnas.

Et fit Commemoratio S. Alexii Confessoris, ut in Missali hac die.

Secreta P

Benedictio tua, Dómine, larga descendat, quæ beátæ Vírginis Irmengárdis suffrágiis múnera nostra tibi reddat accépta, et nobis sacraméntum redemptionis perficiat. Per Dóminum.

Postcommunio P

Beátæ Irmengárdis précibus confisi: quæsumus, Dómine; ut per ea, quæ súmpsimus, æténa remédia capiámus. Per Dóminum.

Die 27 Augusti
S. GEBHARDI

Episcopi et Confessoris

III classis

Missa Sacerdótes tui, de Communi Confessoris Pontificis II loco. Et fit Commemoratio S. Iosephi Calasanctii Confessoris, ut in Missali hac die.

Dominica 1 Septembris
**SOLEMNITAS EXTERNA
SS. ANGELORUM CUSTODUM**

Die 6 Septembris
S. MAGNIS

Abbatis

III classis

Missa Os iústi, de Communi Abbatum,
cum Epistola ut infra:

Léctio Epistolæ beáti Pauli Apóstoli
ad Corínthios

1 Cor. 4, 9-14

Fratres: Spectáculum facti sumus mundo et ángelis et homínibus. Nos stulti propter Christum vos autem prudentes in Christo: nos infirmi vos autem fortes: vos nóbiles, nos autem ignóbiles. Usque in hanc horam et esúrimus, et sítimus et nudi sumus, et cólaphis cædimur, et instábiles sumus, et laborámus operántes mánibus nostris: maledícimur et benedícimus: persecutióne pátimur, et sustinémus: blasphemámur, et obsecrámus: tamquam purgaménta huius mundi facti sumus, ómnium peripséma usque adhuc. Non ut confúndam vos, haec scribo, sed ut filios meos caríssimos moneo: in Christo Iesu Dómino nostro.

Die 17 Septembris
S. HILDEGARDIS

Virginis

III classis

Antiphona ad Introitus Ps. 72, 28

Mihi autem adhærere Deo bonum est, pónere in Dómino spem meam: ut annúntiem omnes prædicatiónes tuas in portis filiae Sion. Ps. 40, 13 Me autem propter innocéntiam suscepísti: et confirmásti me in conspéctu tuo in ætérnum. √. Glória Patri.

Oratio

Deus, qui beátam Hildegárdem Vírginem tuam donis cæléstibus decorásti: tríbue, quaésumus; ut, eius vestígiis et documéntis insisténtes, a præsentis saéculi caligine ad lucem tuam delectábilem transíre mereámur. Per Dóminum.

Et fit Com. Impressionis Ss. Stigmatum S. Francisci Conf.:

Oratio

Dómine Iesu Christe, qui, frigescénte mundo, ad inflammándum corda nostra tui amóris igne, in carne beatíssimi Francísci passiónis tuæ sacra Stigmata renovásti: concéde propítius; ut eius méritis et précibus crucem iúgiter ferámus, et dignos fructus poeniténtiæ faciámus: Qui vivis.

Léctio Epistolæ beáti Pauli Apóstoli
ad Corínthios

1 Cor. 1, 26-29

Vidéte vocatióem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi elégit Deus, ut confúndat sapiéntes: et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu eius.

Graduale Cantic. 3, 4 et 6, 2 Invéni quem díligit ánima mea: ténui eum, nec dimíttam. *¶* Ego dilécto meo, et diléctus meus mihi, qui páscitur inter lília.

Allelúia, allelúia. *¶* **Isai. 61, 10** Exsultábit ánima mea in Deo meo, quia índuit me vestiméntis salútis, quasi sponsam ornátam monílibus suis. Allelúia.

In Missis votivis post Septuagesimam, omissis Allelúia et Versu sequenti, dicitur

Tractus Sap. 4, 1-3 O quam pulchra est casta generátio cum claritáte: immortalis est enim memória illius, quóniam et apud Deum nota est, et apud hómines. *¶* Cum præsens est, imitántur illam, et desiderant eam, cum se edúxerit. *¶* Et in perpétuum coronáta triúmphant, incoinquinatórum certáminum præmia vincens.

Tempore Paschali omittitur Graduale, et eius loco dicitur:

Allelúia, allelúia. *¶* **Ps. 30, 22** Benedictus Dóminus: quóniam mirificávit misericórdiam suam mihi in civitáte muníta. Allelúia. *¶* **Prov. 4, 9** Lætáre, mater nostra, quia dabit Dóminus cápiti tuo augménta gratiárum, et coróna ínclýta próteget te. Allelúia.



Sequéntia sancti Evangélii secúndum Matthaéum **Matth. 25,1-13**

In illo témpore: Dixit Iesus discípulis suis parábolam hanc: Símile erit regnum cælórum decem virgínibus: quæ, accipiéntes lámpades suas, exiérunt óbviám sponso et sponsæ. Quinque autem ex eis erant fátuæ, et quínque prudéntes: sed quínque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes et dormiérunt. Média autem nocte clamor factus est: Ecce, sponsus venit, exíte óbviám ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicén-

tes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est iánua. Novísime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen, dico vobis, nescio vos. Vigiláte itaque, quia nescítis diem neque horam.

Antiphona ad Offertorium Ps. 41, 2 et 3
Quemádmódu desíderat cervus ad fontes aquárum, ita desíderat ánima mea ad te, Deus. Sitívit ánima mea ad Deum fortem vivum.

Secreta

Sanctæ Hildegárdis Vírginis tuæ festa
Srecoléntes, preces offérimus et hós-
tias immolámus: præsta, quaésumus, Dó-
mine; ut, cum præsidio temporáli, vitæ
nobis præbeant increménta perpétuæ.
Per Dóminum.

**Pro Impressione Ss. Stigmatum S. Fran-
cisci** **Secreta**

Múnera tibi, Dómine, dicáta sanctí-
fica: et, intercedénte beáto Fran-
cisco, ab omni nos culpárum labe purí-
fica. Per Dóminum.

**Antiphona ad Communionem Philipp. 1,
20 et 21** Magnificábitur Christus in
córpo meo, sive per vitam, sive per
mortem: mihi enim vívere Christus est et
mori lucrum.

Postcommunio

Perpétuo, Dómine, favóre proséquare,
quos réficis divíno mystério: et quos
imbuísti cæléstibus institútis: eósdem,
intercedénte beáta Hildegárde Vírgine
tua, salutáribus comitáre solátiis. Per D.

**Pro Impressione Ss. Stigmatum S. Fran-
cisci** **Postcommunio**

Deus, qui mira Crucis mystéria in
beáto Francisco Confessóre tuo
multifórmiter demonstrásti: da nobis
quaésumus; devotiónis suæ semper ex-
émpla sectári, et assídua eiúsdem Crucis
meditatióne muníri. Per Dóminum.

Die 25 Septembris
S. NIKOLAI DE FLÜE

Confessoris
III classis

Antiphona ad Introitus Ps. 72, 28

Ecce, elongávi fúgiens et mansi in
solitúdine: quóniam vidi iniquitá-
tem et contradicciónem in civitáte. **Ps.**
54, 2-3 Exáudi, Deus, oratióem meam,
et ne despéxeris deprecatióem meam:
inténde mihi, et exáudi me ✠. Glória.

Oratio

Beati Nicolai, Confessoris tui, inter-
césione suffulti te, Dómine,
suppliciter exorámus: ut gentem nostram
benigna semper protectióne custódias,
eiúsqe rectóribus grátia tuæ lumen
cleménter infúndas. Per Dóminum.

Léctio Epistolæ beáti Pauli Apóstoli
ad Romános
Rom. 14, 17-19

Fratres: Non est enim regnum Dei
esca et potus, sed iustítia et pax et
gáudium in Spíritu Sancto. Qui enim in
hoc servit Christo, placet Deo et proba-
tus est homínibus. Itaque, quæ pacis
sunt, sectémur: et quæ ædificatiónis
sunt, in invicem custodiámus.

Graduale Ps. 121, 7-8 Fiat pax in virtúte
tua, et abundántia in túrribus tuis. ✠.

Propter fratres meos et próximos meos, loquébar pacem de te.

Allelúia, allelúia. *ꝯ. Ps. 54,23* Iacta cogitatum tuum in Dómino, et ipse te enútriet. Allelúia.

In Missis votivis post Septuagesimam, omissis Allelúia et Versu sequenti, dicitur

Tractus Ps. 33, 9-10 Gustáte et vidéte, quóniam suávis est Dóminus. *ꝯ.* Beátus vir, qui sperat in eo: quoniam nihil déest timéntibus eum. *ꝯ.* Dívites eguérunt et esuriérunt: inquirentes autem Dóminum non deficient omni bono.

Tempore Paschali omittitur Graduale, et eius loco dicitur:

Allelúia, allelúia. *ꝯ. Ps. 54, 23* Iacta cogitatum tuum in Dómino, et ipse te enútriet. Allelúia. *ꝯ. Jo. 6, 51* Si quis manducáverit ex hoc pane, vivet in ætérnum. Allelúia.

 Sequéntia sancti Evangélii secúndum Matthaéum *Math. 19, 27-29*

In illo témpore: Dixit Petrus ad Iesum: Ecce nos reliquimus ómnia et secúti sumus te: quid ergo erit nobis? Iesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede maiestátis suæ, sedébitis et vos super sedes duódecim, iudicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam ætérnam possidébit.

Antiphona ad Offertorium Ps. 30, 4 Dómine, fortitúdo mea et refúgium meum es tu, et propter nomen tuum dedúces me et enútries me.

Secreta

Múnere tibi, Dómine, dicáta sanctífica: et, intercédente beáto Nicoláo Confessóre tuo, per éadem nos benígnus inténde; ut tibi famulántes in terris, glória tua perfruámur in cælis. Per Dóminum.

Antiphona ad Communionem Gal. 2, 19-20 Christo confixus sum cruci. Vivo autem, iam non ego: vivit vero in me Christus.

Postcommunio

Mystériorum tuórum nos, quæsumus, Dómine, commúnio sancta restáuret: ut beáti Nicolái sequéntes exémpla, in tuo semper amóre crescámus: Per Dóminum.

Dominica 1 Octobris SOLEMNITAS EXTERNA BEATÆ MARIÆ VIRGINIS A ROSARIO

Die 12 Octobris
B. IACOBI (GRIESINGER)
AB ULMA
Confessoris
III classis

Missa Os iusti, de Communi Confessoris non Pontificis I loco, cum Orationibus ut infra:

Oratio

P

Deus, qui beátum Iacóbum Confessórem tuum humilitátis et oboediéntiæ virtúte mirábiliter decorásti: eius intercessióne fac nos terréna despícere et mandátis tuis iúgiter inhaerére. Per Dóminum.

Secreta

P

Oblátis, Dómine, placáre munéribus: et beáti Iacóbi Confessóris tui

intercessióne concéde; ut cæléstia dona digne suscipiéntes, promíssa humílibus præmia cónsequi mereámur. Per Dñm.

Postcommunio P

Panis Angelórum, quo facis nos esse partícipes: Dómine, súpplíces exorámus: ut per beáti Iacóbi mérita, sit nobis salútis ætérnæ indeficiens spes, ac secúra fruítio. Per Dóminum.

Die 14 Octobris
**IN DEDICATIONE
PROPRIÆ ECCLESIAE**

I classis

Missa Terríbilis, de Communi Dedicatíonis Ecclesiæ, ut in Communi Sanctorum. Dicitur Credo.

Die 16 Octobris

S. GALLI

Abbatis

III classis

Missa Os iusti, de Communi Abbatum. Et fit Commemoratio S. Hedwigis Viduæ ut in Missali hac die.

Die 17 Octobris
**IN DEDICATIONE
ECCLESIAE CATHEDRALIS**

I classis

Missa Terríbilis, de Communi Dedicatíonis Ecclesiæ, ut in Communi Sanctorum. Dicitur Credo.

Die 20 Octobris

S. WENDELINI

Abbatis

Commemoratio

Oratio

C

Intercéssio nos, quæsumus, Dómine, beáti Wendelíni Abbátis comméndet:

ut quod nostris méritis non valémus, eius patrocínio assequámur. Per Dóminum.

Secreta C

Sacris altáribus, Dómine, hóstias superpósitas sanctus Wendelínus Abbas, quæsumus, in salútem nobis proveníre depóscat. Per Dominum.

Postcommunio C

Prótegat nos, Dómine, cum tui perceptióne sacraménti beátus Wendelínus Abbas, pro nobis intercedéndo: ut et conversatíonis eius experiámur insígnia, et intercessiónis percipiámus suffrágia. Per Dóminum.

Die 31 Octobris

S. WOLFGANGI

Episcopi et Confessoris

III classis

Missa Sacerdótes tui, de Communi Confessoris Pontificis II loco, præter Orationem sequentem:

Oratio P

Deus, qui nobis ætérnæ salútis beátum Wolfgángum Episcopum mínistrum tribuísti: præsta, quæsumus: ut quem doctórem vitæ habúimus in terris, intercessórem habére mereámur in cælis. Per Dóminum.

Secreta C

Sancti Wolfgángi Confessoris tui atque Pontificis, quæsumus, Dómine, ánnua solémnitas pietáti tuæ nos reddat accéptos: ut per hæc piæ placatíonis officia, et illum beáta retribútio comitémur, et nobis grátia tuæ dona concíliet. Per Dóminum.

Postcommunio C

Deus, fidélium remunerátor animárum: præsta, ut beáti Wolfgángi Confessóris tui atque Pontíficis, cuius venerándam celebrámus festivitátem, précibus indulgéntiam consequámur. Per Dóminum.

Die 11 Novembris

S. MARTINI

Episcopi et Confessoris
Patroni Dioecesis

I classis

Missa Státuit, ut in Proprio Sanctorum hac die. Omittitur Commemoratio S. Mennæ Mart., et dicitur Credo. Praefatio de Sanctis.

Die 21 Novembris

S. COLUMBAN

Abbatis

Commemoratio

Orationes ex Missa Os iusti, de Communi Abbatum.

Die 25 Novembris

B. ELISABETH BONÆ

Virginis

III classis

Missa Vultum tuum, de Communi Virginum IV loco, cum Evangelio Símile est regnum caelórum thesáuro, II loco notato, et Orationibus ut infra:

Oratio P

Crescat, Dómine, in nobis passiónis unigéniti Fílii tui afféctus: et beátæ Elísbeth Vírginis imitatióne, eius memória in córdibus nostris iúgiter augeátur. Per eúndem Dóminum.

Et fit Commemoratio S. Catharinæ Virginis et Martyris, ut in Missali hac die.

Secreta P

Hóstias, Dómine, quas tibi offerimus, propítius súscipe: et peccatórum nostrórum víncula, intercedénte beáta Elísbeth, miserátus absólve. Per Dñm.

Postcommunio P

Sanctificáti, Dómine, salutári mystério: fac nos méritis beátæ Elísbeth humilitátem sectári; qui pro nostra salute usque ad mortem humiliári voluísti: Qui vivis et regnas cum Deo Patre.

Die 26 Novembris

S. CONRADI

Episcopi et Confessoris

III classis

Missa Sacerdotes tui, de Communi Conf. Pont. II loco. Et fit Commemoratio S. Sivestri Abb., ac S. Petri Alexandrini Ep. et Mart., ut in Missali hac die.

INDEX ALPHABETICUS

		pag.
Angelorum Custodum Solemnitas ext.	Dom. I Sept	7
Beatae Mariæ Virginis a Rosario ext	Dom I Oct	10
Bonifatii Episcopi et Martyris	5 Iunii	6
Clementis Mariæ Hofbauer Conf.	15 Martii	3
Columban Abbatis	21 Nov	12
Conradi a Parzham Conf.	21 Apr	4
Conradi Episc et Conf	26 Nov	12
Dedicatio Ecclesiæ Cathedralis.	17 Oct	11
Dedicatio propriæ Ecclesiæ Loci	14 Oct	11
Elisabeth BonæVirg	25 Nov	12
Galli Abbatis	16 Oct	11
Gebhardi Episc et Conf	27 Aug	7
Hermanni Iosephi Conf.	7 Apr	3
Henrici susonis Conf.	28 Ian	2
Hildegardis Virg.	17 Sept	7
Irmengardis Virg. Abbat.	17 Iulii	7
Iacobi Griesinger Conf	12 Oct	10
Kiliani et Sociorum Martyrum	8 Iulii	6
Magni Abbatis	6 Sept	7
Martini Episc. et Conf. Patroni	11 Nov	12
Meinradi Erem. Et Martyris	22 Ian	1
Nicolai de Flüe Conf	25 Sept	9
Petri Canisii Conf. et Eccl. Doct.	27 Apr	4
Udalrici Episc. et Conf.	4 Iulii	6
Wendelini Abbatis	20 Oct	11
Wolfgangi Episc. et Conf	31 Oct	11